

# Դաւիթ Անյաղթի փիլիսոփայական սխրանքը

ԱԼԵՔՍԷՅ ԼՈՍՍԵԻ \*

Մտածողի պատմա-փիլիսոփայական նշանակութիւնը չի հանդու-աւարտում ինչ որ նոր մտքեր առաջ քաշելով, կամ էլ՝ ինչ-ինչ մտքեր կամ դադարներ համակարգելով: Մտածողի պատմափիլիսոփայական նշանակելիութիւնը նաեւ չի ամփոփում ինչ-որ նախկին դադարները՝ նրա կողմից կատարուած նոր լուսարանութեամբ, կամ էլ՝ դրանց նոր մեկնաբանութեամբ: Մտածողի պատմա-փիլիսոփայական նշանակութիւնը, վերջապէս, չի կարելի տեսնել լոկ նրա դատողութիւնների արտաքին ոճում, միայն փիլիսոփայական այս կամ այն կառուցուածքը մատուցելու ձեւում կամ եղանակում:

Փիլիսոփայութեան պատմութեան համար շատ յաճախ նշանակութիւն ունի այս կամ այն մտածողի կողմից ճշմարտութիւնը որոնել-գտնելու ուղեգիծը, նրա մշտական ձգտումը՝ ընդգրկել իսկութեան տարրեր կողմերը եւ արտայայտել հենց ճշմարտութեան որոնումը, յաճախ նոյնիսկ նաեւ անկախ նրանից, թէ նկատի են առնուած հի<sup>ո</sup>ն ճշմարտութիւններ, թէ՛ ինչ-ինչ նոր յայտնադործութիւններ: Փիլիսոփայութեան պատմութեան համար շատ յաճախ առաջին դերն է խաղում այդ մշտական խորասուզուածութիւնը փիլիսոփայական որոնումների խորքերը, այդ մշտական անցումները փիլիսոփայական մի կառուցուածքից միւսին, այդ մշտապէս հետամուտ լինելը՝ առաւելագոյնս մանրամասնել ճշմարտութիւնը, այդ

\* Փրոֆ. Ալեքսէյ Լոսսեի դասախօս է Մոսկուայի Համալսարանի Դասական Իսկաւորութեան Ամբիոնին:

մշտական թափանցումը մասնատումների եւ միացումների տարբերմէջ, սյուրդ ու յստակ բանաձեւերից ունեցած այդ անբաւականութիւնը եւ ձգտումը՝ դրանց մէջ գտնել անհամեմատ աւելի շատ մասնատուածը, աւելի շատ մանրամասնածը՝ ընդհուպ մինչեւ ծայրագոյնս եւ առաւելագոյնս փոքր մեծութիւնների մանրադիտակային դնութիւնը :

Փիլիսոփայելու նմանօրինակ տիպը մենք կ'անուանենք մի իւրօրինակ վիրտուոզութիւն, որը հենց միշտ ձգտում է մի կողմից՝ մանրագոյն մասնատումների, իսկ միւս կողմից՝ մի նոր համապարփակ համակարգի հասցնելու այդ առաւելագոյն մանր մասնատումները, համակարգ, որը ծանօթ չէր մտածողին՝ քանի ղեռ նա սահմանափակուած էր ընդհանուր եւ ամբողջական՝ թէկուզ եւ ճշմարիտ, սակայն այս սիստեմատիկ ու մշտական մասնատումից զուրկ ընդհանուր եւ ամբողջական դատողութիւններով :

Վիրտուոզ ջութակահարը կամ դաշնակահարը մեզ ապշեցնում է իր կատարած երաժշտութեան մանրամասնուած ու մանրագոյն բաղմամբիւ երանդներով, իսկ միւս կողմից՝ նաեւ երաժշտական մանրագոյն երանդների այդ անսահման բաղմաղանութիւնից ծնուող սպաւորութիւնների նորութեամբ եւ նոյնիսկ ընդհանրացումների անսպասելիութեամբ : Ըստ որում, լաւ վիրտուոզ համարուած է հենց այն կատարողը, ով՝ այդ արտակարգ նրբին մանրամասների մէջ ամբողջովին խորասուզուելով հանդերձ միաժամանակ հենց ստեղծում է ինչ-որ նոր բան, ամբողջական բան, այն՝ ինչ չի ստացուած պարզ եւ չտարբերակուած մեղեդիներ կատարելիս : Լինում են սնամէջ վիրտուոզներ, որ զարմացնում են սոսի իրենց վարպետութեամբ զուրկ որեւէ միասնականութիւնից եւ մի նոր ամբողջականութիւնից : Սակայն լինում են նաեւ ճշմարիտ վիրտուոզներ, ուրքեր մանրագոյն մանրամասների մէջ խորամուխ լինելով հանդերձ՝ որպէս արդիւնք ստեղծում են անսպասելիօրէն նոր եւ արդէն ո՛չ սոսկական հմտական համակարգ :

Մեզ թւում է, թէ Դաւիթ Անյաղթը հենց փիլիսոփայական մտքի այդպիսի ճշմարիտ վիրտուոզ է՝ շարունակ խորասուզուած տարբեր-տարբեր մանրամասների մէջ, որոնք փիլիսոփայական քաղքենուն յաճախ թւում են աւելորդ, բայց որոնք պատմա-փիլիսոփայական նուաճումները աւելի նրբին ամէն մի գնահատող հասկանում է որպէս ինչ որ ղեղեցիկ բան՝ խորին, եւ փիլիսոփայական համակարգի համար յո՛յժ կարեւոր : Դաւիթ Անյաղթը հետամուտ չէ իր գաղափարների անպայմանօրէն նորութեամբ, այնպէս որ նրա համար Պղատոնի կամ Արիստոտելի, ստոյիկների, Պլոտինի կամ Պորփիրի դատողութիւններից օգտուելը մի դժուար բան չէ : Սակայն նա բնաւ

երբեք չի հանդիսանում նաեւ այս կամ այն դասական, կամ կամ այն փիլիսոփայական կշռադատութիւններէ սոսկ վերարտադրողը: Դաւիթ Անյաղթին համարում են նոր պղատոնական, եւ շատ բանով դա ճիշդ է: Սակայն մտածողութեան այն վիճակը նորութիւնը, որ իւրայատուկ է Դաւիթին, դասական նոր պղատոնականների մօտ մենք չենք կարող գտնել, կամ էլ կարող ենք գտնել միայն սաղմնային վիճակում: Դաւիթ Անյաղթին համարում են նաեւ դասական նոր պղատոնիզմի աղեքսանդրեան ուղղութեան ներկայացուցիչ, եւ այստեղ նոյնպէս շատ բան ճիշդ է: Սակայն ոչ մի դէպքում չի կարելի Դաւիթ Անյաղթին յանդեցնել միայն Պլատոնի եւ Արիստոտելի մեկնութիւններին, ինչպէս մենք գտնում ենք աղեքսանդրիականների մօտ: Եւ առհասարակ, փիլիսոփայական վիճակագրութեան տարրեր, ի հարկէ, կան սիրտուած ամբողջ դասական շրջանում՝ սկսած Սոկրատից: Սակայն դասական փիլիսոփայութեան մէջ գտնել մի այնպիսի մտածող՝ ում համար փիլիսոփայական վիճակագրութիւնը իւրայատուկ առանձնատարկութիւն է, չափազանց դժուար է, եթէ ընդհանրապէս անհնար չէ:

20-րդ դարի տեսանկիւնից Դաւիթ Անյաղթի շատ պնդումներ եւ մեթոդներ կարող են թուալ, ինչ խօսք, մի ինչ-որ չափազանց հեռաւոր հնութիւն եւ պատմութեան արդէն վաղուց ի վեր յաղթահարուած ինչ-որ ժամանակաշրջան: Սակայն, նախ՝ դա այդպէս չէ հենց ըստ էութեան: Ըստ էութեան, տակաւին հենց այժմ հարկ է լինում նրանից շատ բան սովորել եւ շատ բան փոխ առնել նաեւ մեր ժամանակակից փիլիսոփայական կառուցուածքների համար: Երկրորդ՝ եթէ Դաւիթ Անյաղթին նոյնիսկ համարենք միայն հեռաւոր պատմութիւն, ապա դեռեւս պէտք է կարողանալ ձեւակերպել այդ հեռաւոր պատմութեան իւրայատուկութիւնը:

Եւ ահա, օրինակ, Դաւիթ Անյաղթի մտքի այնպիսի առանձնատարկութիւնը, ինչպիսին է մտքի վիճակագրութիւնը, դեռեւս չափազանց քիչ է լուսարանուած մեր դրականութիւնում եւ պահանջում է ամենամանրազնին ու ստոյգ ձեւակերպում: Մինչդեռ, ինչպէս մեզ թւում է, Դաւիթ Անյաղթի փիլիսոփայական մտքի ճկունութիւնը եւ շարժունութիւնը հանդիսանում են այդ փիլիսոփայի ողջ պատմա-փիլիսոփայական իւրայատուկութեան հենց ամենակարեւոր կողմերից մէկը, եւ կարելի է ասել՝ նրա պատմա-փիլիսոփայական սխրագործութեան ամենակարեւոր երեւոյթներից մէկը: Դաւիթ Անյաղթի մտածողութեան մասնատուածութիւնը ոչ մի կերպ չի կարելի յանդեցնել շարադրման վերացական-դրական մեթոդին: Անիրազեկ մէկի համար չափազանց հեշտ է Դաւիթ Անյաղթի՝ նրբին տարբերակումների որոնումները մեկնաբանել որպէս չափազանց

դպրոցական մի բան, ինչ—որ չափազանց իմացական եւ ինչ—որ չափազանց դպրական մի բան: Այդպէս հասկանալ Դաւիթ Անյաղթին, նշանակում է նրան առհասարակ ո՛չ մի կերպ չհասկանալ, եւ ոչ մի կենդանի դրոյթ չզտնել փիլիսոփայի այդ մշտական տարբերակումների մէջ: Այսինքն՝ նրա մօտ չզտնել համապարփակութեան մշտական պաթոսը, դա նոյնպէս նշանակում է վատ գլուխ հանել Եւրոպայի դարի հայ խոչորագոյն փիլիսոփայից: Պէտք է կարողանալ, Դաւիթ Անյաղթի հետքերով, մանրագնին ու խնամքով ձեւակերպել նրա մօտ սահմանուող բոլոր տարբերակումները, պէտք է կարողանալ սարք ու յստակ ձեւով հասկանալ ու նկարագրել իւրաքանչիւր այդպիսի մանրագոյն տարբերակում, եւ պէտք է կարողանալ, Դաւիթ Անյաղթի հետքերով, այդ տարբերակումների նկարագրութիւններէն անցնել նրանց համապարփակ կարեւորմանն ու իմաստաւորմանը: Միայն այդ ժամանակ մենք կարող ենք յոյս ունենալ, թէ կը մերձենանք ուսումնասիրուող փիլիսոփայի ճշմարիտ առանձնայատկութեանը: Մտքի վիրտուոզութիւն՝ որպէս նկարագրա—տարբերակային համապարփակութիւն հասկացում մտքի վիրտուոզութիւն — ահա թէ ինչ ուղիներով միայն կարելի կը լինի մօտենալ Դաւիթ Անյաղթի առանձնայատկութիւնը հասկանալուն, բայց այն էլ, թերեւս, այդ առանձնայատկութեան միայն գլխաւորագոյն կողմերից մէկին:

Սակայն մտածողութեան ճշմարիտ վիրտուոզութիւնը ոչ միայն համապարփակութիւն է՝ ոչ միայն նկարագրա—տարբերակային համապարփակութիւն է, այլ նաեւ այնպիսի ունիվերսալութիւն, որը միաժամանակ նպատակ ու խնդիր է՝ կատարելու համար նկարագրա—տարբերակային աստիճանական, հետեւողական ու սիստեմատիկ անցումներ: Այլապէս համապարփակութիւնը կը ցնորուի վերացականորէն հակադրուած տրոհուած տարբերի տարանջատ բազմութեան:

Դաւիթ Անյաղթը ընդհանրապէս դէմ է ամէն մի ձեւա—տրամաբանական բաժանման: Տեսութիւնը եւ դործնականը, որոնց տրոհում է փիլիսոփայութիւնը, միաւորում են մի ամբողջութեան մէջ՝ որ է՝ մարդկային հոգու ձգտման մէջ՝ հասնել առաւելագոյն ճշմարտութեան: Այս առումով՝ փիլիսոփայութիւնը հոգու զարդն է: «Եւ անհրաժեշտ է դիտենալ» — եզրայանգում է Դաւիթը, — որ փիլիսոփայութիւնը դոյութիւն ունի այն բանի համար, որպէսզի ազնուացնի ու զեղեկացնի մարդկային հոգին»<sup>1</sup>: Մտքի նկարագրա—տարբերակային վիրտուոզութիւնը ընդունում է անսահմանորէն տարբեր ձեւեր, սակայն մարդկային ձգտման այդ անսահմանութիւն—

1. Դաւիթ Անյաղթ, Երկեր, Մոսկուա, էջ 99 (ռուսերէն):

նը հնարաւոր է միայն այն պատճառով, որ նրա համար գոյութիւն ունի սահման՝ նոյնպէս անսահման, որը նաեւ առկայ է մարդկային բանականութեան իւրաքանչիւր մանրադոյն շարժման մէջ: Դաւթի մօտ կարգում ենք. «Բնութիւնն ամենուրեք ունի բոլոր իրերի իր վերջին սահմանները, որովհետեւ ունի իր չափը ե՛ւ սակաւութեան, ե՛ւ շատութեան ե՛ւ փոքրութեան, ե՛ւ մեծութեան մէջ»<sup>2</sup>: Սակայն՝ «ինչ սահմանափակ է ըստ ընութեան... անսահման է ըստ գիտութեան»: Անհատ իրերը՝ «ըստ մեր գիտութեան... անսահման են, բայց ըստ ընութեան անսահման չեն»<sup>3</sup>, թէեւ դրանց քանակը անվերջ է:

Դաւիթ Անյաղթի պատմա-փիլիսոփայական սխրանքը նրա տեսութիւնը եւ մեթոդն են՝ բացարձակ, այսինքն՝ անսահման, առուելագոյնս ընդհանրացուած ճշմարտութեան եւ մարդկային առանձին սրոնումները՝ իրենց բնոյթով վերջաւոր պահերի վիտտուոզ միահիւսման տեսութիւնն ու մեթոդն են: Մենք կ'ասէինք, Դաւիթ Անյաղթի այդ փիլիսոփայութիւնը՝ թող որ հեռաւոր, թէկուզ եւ մօտաւոր ու մասնակի, բայց եւ այնպէս՝ այն բանի կանխատեսումն է ինչ ասել է Վ. Ի. Լենինը. «Մարդկային մտածողութիւնն իր բնոյթով ընդունակ է տալու եւ տալիս է մեզ բացարձակ ճշմարտութիւն, սրը կազմուած է յարաբերական ճշմարտութիւնների գումարից: Գիտութեան դարգացման իւրաքանչիւր աստիճան նոր հատիկներ է աւելացնում բացարձակ ճշմարտութեան այդ գումարին, բայց իւրաքանչիւր գիտական դրոյթի ճշմարտութեան սահմանները յարաբերական են, քանի որ մերթ ընդարձակուում, մերթ նեղանում են գիտելիքների հետագայ աճի հետեւանքով»<sup>4</sup>:

2. Նոյնը, էջ 149:

3. Նոյնը, էջ 148:

4. Վ. Ի. Լենին, *Երկերի Լեհատար ժողովածու*, ԺԸ. հտք., էջ 137 (աւսերէն):

**THE HISTORICO-PHILOSOPHICAL  
VENTURE OF DAVIT ANHAGHT**

**ALEXEI LOSSEV**

**(Summary)**

Davit Anhaght is often and justly called an Alexandrian neoplatonist, but in our opinion he cannot be considered one of the classical figures of the school. Because his style of harmonizing and assimilating the Platonic and Aristotelian philosophies into an intricate and coherent system, shows great philosophical virtuosity. His conception of philosophy as man's noble aspiration for universal knowledge preserves much of its freshness and anticipates modern progressive ideas.